

小重山房詩詞全集

鶴在集

華亭 張祥河 詩舲

王子上元前一日作

粃盆照眼到天明  
趺坐如僧萬慮清  
夜雪漫田蟲自蟄  
曉鐙射樹鳥先鳴  
登樓紫翠扶屏立  
上學青紅結隊行  
四載終南山下客  
鶯花鄠杜不勝情

穀雨前四日約同人看海棠

苔石刷題字九峯  
環海棠昨辜花下賞  
今洗雨

前妝歸鵲踏枝喜垂絲塞院光何人三請出遲  
爾聽鸝黃

夕豔逾朝豔花濃壓酒濃桃迎妃子醉松受大  
夫封高照此宵燭春陰何處鐘當官常愛客一  
破掩關慵

客有攜王椒畦畫冊求售者亟收之志喜  
志慨

金闕記訪畫中仙尙在雞肥酒熟年紅樹秋山  
張素壁綠蕪春水繫空船常祭減筆師林外忽

墮零璣華嶽前惆悵東吳耆舊盡故廬遙鎖玉  
峯煙

姚子樞妹婿元日得孫用坡公賀子由得  
第四孫斗詩韻輒復和寄

吉爆一歲除頭輕快新沐朝來抱孫喜三日呱  
呱浴詩客多踵門和章往而復湯餅接春酒飲  
者春滿腹寄物兆熊掌報書捷雁足君家有盛  
德文本眉過目他時獨角麟今日懷中玉我方  
望東余浦近山如沃草堂南埭上幽邃饒水竹

長公著等身掌故 熙朝熟四海惟子由五車  
留子讀宅相旣英特拔起載欣囑君雖跼塵事  
含飴耄可卜儻問舅家名字之曰家督

吳仲昉方伯自京還蜀道經長安卽和見  
贈之韻

蜀棧秦原驛騎催初聞雀弁出 宮臺三清地  
望登仙重七觀 天顏捧日來西盼蚩尤朝豁  
霧南愁瓠子夜喧雷時艱共賴憂民 聖誰是  
分憂命世才

杯擎仙掌不須催石作蓮花雲作臺太華多情  
邀客往長庚經宿送詩來鞭停灞岸垂垂柳車  
動阿房隱隱雷天半岷峨歸去路浩歌有數百  
蠻才

漁洋使蜀詩屢押蠻韻以  
爲追蹤文長蓋自喜也

贈寶小村侍郎卽送之駐藏大臣任

握手青門會真率卿亦流連中一物

用北齊書語

奇

遊直指烏斯藏道盡巖叢諸險出送君古刹乞  
蹕駐排馬前林曉鐘荆先叅羅漢五百尊再謁  
西天萬千佛

贈吳子苾方伯

一從青瑱點朝班來往君家伯仲間  
濁酒談兵曾粵嶠大雲捧袂又秦關  
羽書徵調三山外碑版流連五代還  
淮蔡燕然成指顧吾曹應得射堂閒

悼慶姬

善病秋消瘦神傷血淚餘  
呆愚知欲暮眉黛幾曾舒  
倚瑟悽銀甲題棺附玉魚  
以玉魚爲殉哀蟬兼落葉一痛竟何如

更無臨訣語偏及入闌時蝶夢真如蛺蝶魂不  
自持愛深疑見避痛定耐追思寂寂荒原殯梨  
花雨一枝

壬子秋闈卽事

煎茶院裏桂香籠又見雙花上帽簪紫閣應占  
星聚五青門已聽鹿鳴三己酉辛亥至是三次監臨分圻關  
隴看文戰報捷蒸湘望武戡爲語白袍人立鵠  
誰標赤幟向終南

歲事秋來報雨頻送場雨好爲清塵梯雲得士



期登甲橐筆教兒學受辛

時攜辰兒課以三千場文藝藉資學習

佛摩挲經峪字

舊集經石峪字脩名千佛九料上至味五經中懸至公堂

荏苒鳳池身

余應江南鄉試七禮部會試

久停筵宴今方舉

翻覺笙簧典禮新

中秋登明遠樓偕陳弼夫文靜涵兩觀察

穹樓一面對南山兩翼風簷屋萬間天鏡攀將

丹桂滿宮袍寵得紫雲還能從二客心同壯直

上三層力未孱千里目窮仙掌外東來何限好

烟鬟

輓程玉樵

明湖話雨舊同舟太華看雲又幾秋  
選佛場中方促膝謫仙壇上忽回頭  
吾生不灑無情淚汝死難尋白髮儔  
猶記辛夷花發日一詩絕唱輞

川投

君和余輞川詩遂成絕筆

觀河鑑面似殘僧拜廟筋骸知不勝  
去路分明

先徙宅

先數日自臬署移居私宅

爰書鄭重尙挑鐙十年官

債粗能了一夕鄉心老更增遲我出閣三爵醉

不堪重話酒如澗

昭陵六馬圖贊書後

天駟橫行狀威武風沙漠漠來堂廡世傳閭粒  
畫不復見宋游師雄此圖補太宗備藩功最高  
御製馬贊誇拳毛率更仲容書奉勅園陵石墨  
皆蓬蒿此圖青雕與紫燕自平東都經百戰一  
戎衣憑三尺劍馬後馬前帶羽箭當時破敵一  
世雄何論竇德王世充金剛走鼯雀鼠谷夜二  
百里真追風內廐五花九花列照夜寒空動煙  
雪誰及一心成大功六馬總章陶先烈嶼山高

高石路長風鬣霧鬣屏風張英姿龍鳳天日表  
左右環侍番君王闕下人看舊鏐馬馬身迄少  
全形者摩挲隆起不可搨奕奕貞珉照荒野游  
公縮本畫象真凱歸赤汗如有神長安獻俘洛  
陽燬天策上將傾三秦玉華年年賜飛白含風  
殿愴紅塵隔繭紙蘭亭空閤藏筋骨千秋斯馬  
式

尹屹山副將

培立

死事詩

賊氛四合將襲長沙城  
咄哉無一警報知賊情

大官出城方爲清野計賊已間道笑至全軍驚  
幸而陝兵橫截醴陵界登陴固守始得安鼙鉦  
健將揮生力軍賊披靡一鼓再鼓三鼓將竭矣  
嗚呼城角土兵睨而視妙高峯頭毒霧霎時起  
狼奔豕突衆寡勢難抵猶復血戰當先中矛死  
同時被難陝安福總戎誠臨行曾秉母命報國  
忠更有薩保塔勤程大振三人鐵衣血濺捐軀  
同吾兵二千亡者幾七百一時敢死之士皆沙  
蟲嗚呼男兒裹革死其數 帝慰忠魂千載一

遭遇彼哉尾追何以不前拒僅見對仗今朝石  
馬鋪恩君鬚眉奇秀七尺身當時相者早識非  
常人四年秦關同事講訓練倚如左右武庫相  
披陳君尤好古吉金常在手先期得鄂王矛領  
兵走今收君骨楚江骨不朽適同鄂王死年三

十九

咸豐二年七月二十八日石馬鋪打仗同  
時陣亡官弁據續奏議卹者守備格圖肯

郭進城

干總張元朱京美王天授徐占元劉成

喜徐迎祥

馬金桂米殿功把總鄭連有方志美

袁崔王

以得孟成葉占魁楊顥石守義馬祿朱

良升外委

趙得王治清徐文遙紀克明王登喜

祁尙寅

傅廷杰馬有黃通河張魁忠馬殿蛟任

起林麗仲

貴任貴劉仲舉額外外委姚萬成何

鶴在集

七

玉范步雲謝濂凡三  
十九人例得備書

書慧秋谷制府科布多巡邊日記後時將

### 赴蜀

關山著力寫雲烟健筆人傳地亦傳不負此遊  
沙漠外鑿開混沌畫中天

漁洋蜀道集清新再見題名劍外身他日相思  
花滿驛浣花牋紙寄頻頻

文露軒同年出使哈密道經長安見示詩

筵走筆贈行

吹客風清羽扇搖何時兵氣望中銷憶聽白舫  
中年雨看上黃河萬里橋將酒更無人折柳及  
瓜應有 旨還朝秦中吟裏新豐叟不但香山  
歎後彫

丁香花下與客茶話

四圍十九樹丁香逞豔初陽與夕陽鄠杜春光  
歸一院江湖人影在方塘剪刀風裏花尖細絮  
帽雲中嶺鬱蒼聽到四絃無限感底須衣袖問

曹剛



丑舫

癸丑莫春之初添築此室於終南山館之南

吾家書畫舫小築借題楹風月真無價禽魚各有情紅衣圓柳客皓首太湖精牢落人間世消閒伐木聲

得此大安穩經窗小洞天樹頭聽布穀屏角見銜蟬脚力登樓後身香薷草邊雙了垂髫笑笑我是逃禪

衙齋晚鴉雲集每歲春盡俱上南山羣樹  
爲之一空

白晝悵悵夢秀寒有人徙倚曲闌干晚衙不見  
烏鴉集道是終南鳥路寬

瞿經孳春風啜茗冊

漫推磨盾是英才鴻漸茶經且手裁魚蟹忽生  
看忽過旗槍旋合喜旋開山僧籠下連筍竹野  
老杯中數點梅第二泉荒烽火外不堪殘照雨  
花臺

味到輕圓澹勝濃年來禪榻鬢絲風郵章起草  
平臺慣鄉話攀甌五夜同瓜步依然沙磧白康  
山無復竹鑪紅平生此最不平事毛孔何由一  
散空

小方壺

綠樹陰濃繞昔耶南風無力有山遮喜音海上  
寬心禁閒趣園中禁體花米羹花奩鏡移來真韻  
絕袂衫試處較喧些酒闌客散方壺上洗得餘

醒雨部蛙

輓姚春木

詩卷爭傳蜀道名文章宗派接桐城最高手眼  
傾先輩極熱心腸待後生涉世更無諸俗法藏  
山惟有著書情一尊酒與一枝筆灑雪齋頭盡  
夜檠

馬後桃花昨寄箋故人痺疾又經年皋比坐缺

關中望

延君主講關中以疾不果

文選樓空海內傳

君著國朝文

錄余刻以行世

南埭松篁禪榻外東余風鶴殯宮前思

歸落落諸耆宿紺袖何堪老淚濺

醉八仙歌

八仙早朝南極星歸來鶴鹿散一庭日長如年  
飲酒樂尊疊排列山花簪大家閉眼似裝醉不  
管人間酒易醒一從醉去便多事江頭春草幾  
度青舉瓢偷喝柳樹精鶴亦插嘴入酒瓶鹿角  
蠻觸無刻停埽空仙界驚雷霆

輓二弟竹初

隨肩棣鄂歎周殘勿憶銀瓶聽夜闌文選一編  
垂老熟通場七藝博名難

屢試不售以作通場冠其軍

相莊

眉案爲秦贅

壯歲贅海上李氏

無賴頭銜附廟官

官奎文閣

典知爾平生多憾事愁腸併入酒杯寬

頻年有夢到池塘同醉同吟更對牀按部東遊

山雨好

曾來山左糧道任所余作按部聯牀圖紀事

居廬南陟墓雲

蒼三吳盜警妨魚素一夕江聲斷雁行兄弟白

頭今死別寢門難遣是神傷

二涇差慰卜牛眠痺疾扶持已半年築壙有心

依膝下

已葬二里涇先塋之後

飾終諸事具生前替盤肴

會星皆散遯海鄉心月不圓尺幅梅花猶挂壁

天瓶空說畫中禪

弟善書梅

李雲生太守憶長安傳奇書後

鄜州月共古人看舊址羌村土木完

新建拾遺祠於羌村

他日錦城祠祭日神絃齊唱憶長安

故交樛散畫師傳萬里傷心邂逅邊陷賊當年

鄭司戶更誰訣別到重泉

丹心爲國爲朝堂長恨何爲諷漢皇野老吞聲

曲江上但傳侍輦及昭陽

周筱村院長蕉窗圖

隴右開堂鬢雪侵  
纈衣使者早抽簪  
後生那濟才何盛  
先正文章氣自沈  
題竹常留佳士坐  
彈蕉未罄此君心  
嗤余初寫阿羅漢  
舒臂當風一豁襟

近作無勝尊者象

### 偶成

晉豫連臺羽檄忙忙中  
尙過讀書堂  
山花野果堆盈几  
老佛龕前八吉祥  
南北山仍板屋風  
山田稜稜水常充  
小園也種雞頭粟  
爲驗秋收得雨豐



雲生以林少穆尙書遊華山詩卷見示書

後

健筆摩霄一卷留荷戈人對樹無憂

玉泉院有無憂樹時

公謫戍伊犁

慙余三十年持節到陝方完五岳遊

歐蘇而後有吾公太華三峯望竝崇他日人過

金勝寺罷參羅漢謁文忠

昨祥河奏請建祠西安奉旨俞允頤已

興工地距金勝寺數武

灌園小集示周兩蕉主人

被召倥偬日征輶尙未驂詩天兼酒地周北

與張南松竹癯仙徑尊疊古佛龕眼前真率會  
文舉足清談

積雪紛紛絮迴風擾擾塵萬千狼虎窟一二鷗  
鷗身人健如花綺天寒與酒親明年桃李盛定  
憶灌園春

賦

華亭 張祥河 詩舫

丑舫賦

吾宗書畫之舫接乎米家之船蓋異世而同欲  
寶景行乎昔賢如波斯之聚寶浸淫乎麝煤鼠  
尾者有年今我何取乎爾亦二者之因緣老蝨  
魚而不害託逸興於飛仙髦鬣醉夢飄忽江邊  
恍青父之入坐有元章之導前袖竒石於一品  
披名山於百篇

丑有名山  
藏二百卷

更裙屐之沓至乃衡

山與石田合蘭香兮一室愛春草之芊芊

丑有春草

蘭香之堂遂几拂而席布將抽筆以騁妍作而曰鳴

呼噫嘻羣公至斯豈有教焉歎時艱於南服阻

獨客於烽煙

謂金蘭坡遇賊事

負卷軸兮北走劊刀矛

兮棄捐爲羣匪所訕笑還故物而命全先生憐

之乎先生曰不然虹月貫夜風帆著天時平可

待吾將與子乎開海岳之筵

來  
來  
來  
來  
來

來京集

華亭 張祥河 詩舫

甲寅仲春被 召入都留別關中人士

南北山曾閱武臨五年政事肅官箴雨暘問歲  
青門好旄鉞防邊紫氣森語重額慙轅下獻情  
多酒累道旁斟使君會有重過日尙荷 天闡  
簡在心

兩年兵餉勇輸將助我丹心奏綠章內府文來  
頻夜起大軍捷至輒眉揚妖星未落天終厭卿

月常明衆所望十二連城改連寨潼關固守是  
金湯

孫琴泉招集東山是日演礮十二連寨礮  
臺卽係孫琴泉添置

藍輿舁客到林端紫氣東邊小關安一曲河身  
關勢繞二千戶口地形團圞臺試礮連新寨百  
道飛煙鎖近巒我愛孫郎真解事禁溝留與此  
閒看

河東行館

暫駐河東節迢迢望玉京姚墟包飯趁舜日舉  
頭明院靜禽聲聚坡荒獸跡橫欲傾桑落酒夜  
燭盡蒲城

曠代垂詩品清新接混茫司空眞入聖官谷舊  
稱王秦樹明殘雪虞祠上晚香風煙題鶴鵲心  
折是蓮洋

平陽得雨

驚蟄纔交二月春鷄鳩曉晚豈無因甘霖直接  
年前雪大道全清馬首塵吹到征衣風獵獵潤



來宿麥水粼粼危城何忍談鋒鏑斷井頽垣淚  
點新

疏疎密密向昏黃漸喜空階滴溜長膏澤自天  
分尺寸瘡痍滿地待豐穰書憑快馬馳兼驛漏  
應殘鐘聽隔牆去日連陰來日霽汾河西畔看  
初陽

霍山道中

驅將車騎入介路兩厓中與列東西絳山真大  
小宮雪還棲樹白土忽下坡紅除卻梯田外茫

茫衆壑空

韓侯嶺阻雪不前

連朝積雪化鴻泥，見說韓侯嶺路迷。  
背水乍排飛白陣，上天難踏砑光梯。  
有緣汾上留春酒，無賴山中聽曉雞。  
一笑人來銀海界，壤牆新粉要重題。

改道由太原北行

萬里馳驅卅載中，曾游五嶽亦稱雄。  
爲攜弱小天門險，特改并州古驛通。  
午飯愛抄雲子白，夜

鐙常傍鏡花紅有時習靜焚香坐嬌女嬌兒莫  
惱公

忻州

一入秀容鏡先尋野史亭詩宗持論重山色繫  
舟名青並世惟虞集銘幽得郝經東巖抔土在  
衰草有餘馨

五代薛雲谷遺蹤不可求大河看牧馬河官渡

笑浮牛水接惡池下沙從亂轍流翦鐙繙舊志

詩什半中州遺山中集

崞縣

蒙恬留馬迹此地古樓煩野井綆齊汲春田犁  
正翻寨從蘆板險山入柏枝繁不覺征塵起和  
風雪後暄

代州寄徐松龕中丞五臺

文字乃魚水年前喜定交錦官新撤棘夏屋好  
誅茅一夕留徐孺聯吟服孟郊別來思大隱林  
慮古書巢

極望高臺五念念不一登人歸遼塞雁敵畏郵

都鷹潞澤巡防急  
絲綸旦晚鷹惟聞掌珠失  
暮威可能勝

雁門關

數篇詩帶幽并氣  
千里人來忻代間  
句注春雲青嶂外  
滹沱亂水白楊灣  
神王就縛情如昨  
醉尉爭功事等閒  
畫角聲邊新雁過  
問誰倚劍向雄關

常時聽說關門險  
此日車行坦且平  
除道何年驅虎兕  
通溝一路響琴笙  
沙經代北看無際  
山

指天涯

山名

覺有情十萬仞奴絕窺伺邊氓終憶

李長城

自山陰至大同相傳大同地形最高初二  
夜卽見新月

一樣山陰道風沙景不同請看初二月早挂塞  
天弓

大同

纔離陰館地步步入雲中將略交推李郎官易  
老淵白登邊草合紫塞戍煙空魏尙眞賢守何

人表上功

飲馬長城窟飛狐天一涯  
刀頭詠常建斗柄感  
劉父莽莽秋原鵲沉沉雪夜笳  
曹朱秋岳竹垞名最  
後九塞重詩家

舊懷安道中

颯颯天風吹客衣  
山溝水漲亂峯圍  
繩橋斷續荒邨外  
但見一行沙雁飛

上巳日渡洋河至宣化

洋河開凍水洲寬  
十丈虹橋跨激湍  
遠勢縈迴

秦上谷亂流奔赴古桑乾好山不隔摩笄望佳  
節聊同祓禊看悟到羽人王次仲八分書法變  
龍鸞

雞鳴驛

雞鳴山下雞鳴驛三唱晨雞始放行迺日北門  
嚴鎖鑰更無人數度關聲

土木

荒荒土木不知春禦寇誰教御駕親羅曠交章  
空伏闕徽欽一例歎蒙塵面南肯失官家體留



北終看飲餞陳異日六飛還大內奪門何用論  
功臣

度居庸關十首

岔道停鞭候曉光關門曉啟日滄涼健夫一笑  
臺車走幾隊明駝載客裝

大石巖巖虎豹蹲紛紛小石陣雲屯崎嶇爲語  
青門客鳳嶺雞關未足論

八達高坡百尺強

徐文

句

秦時

大鳥

恣回

翔天

風

吹墮一雙翻山勢中分接大荒

大翻山

一峯送過一峰迎細路教人宛轉行圍住邊雲  
無罅入山頭鬱鬱見長城

今朝難得惠風和小隊弓刀取次過滾滾飛泉  
穿石出分明白日踏鼉鼉

乍向溝東又澗西輿夫一步一高低曾聞雲海  
黃山勝此地權將石海題

壞牆古刹草蒙茸老樹槎牙蒼蘚封世路險巖  
誰喚醒亂山堆裏一聲鐘

不平偏在路三叉如此迷陽亦可嗟試問何年

消塊壘山靈無語祇唵呀

客中歷日太忼悵柳眼難舒雪後風不信近關  
春信早小桃花倚女牆紅

活動雲根潑地栽奇情壯思走龍堆翁年七十  
蟬蛸塞除是尋詩也不來

吏部藤花廳詩追和壁間程莘田相國元  
韻六首

此是天官第一枝古藤連架列階墀我來畫省  
春風動正是催花穀雨時

百載施庵有替人藤陰劫火未全湮江南先後

綸扉客再造花開題額新

蔣恒軒相國題額

祖庭少宰領仙班重到花前豈等閒攜得御

鑪香滿袖紫雲堆裏話家山

曾伯祖佳木公會任少宰

垂垂曲蔓勢蜿蜒平聲映入朝霞色欲然小吏抄

詩剛脫手爲花飛舞祝遐年

叔平手自寫芳苞翠藻蒙茸筆下交待仿支硎

山畫法可能侔色到花梢

包山曾繪是圖

春畫惜惜壓畫闌好天輕暖復輕寒青珉誰繼

莘田刻留作藤廳掌故看

彭詠莪侍郎見示近刻金鼈集並承贈詩  
卽和元韻奉答

明光宣召又相逢  
倬值金鼈記昔蹤  
中禁才人真地望  
平生秀氣自天鍾  
君思薤菜三吳遠  
我看薇花卅載重  
余通籍授中書舍人至是拜閣部之命已三十五年  
白髮多情勞慰藉  
更無依倚過眉筇

夕郎青瑣宜風月  
更逐裴盧入掖垣

蒙署少宰恩併

別墅峯多鶯得意  
舊巢客換鳳留痕  
山陽歎逝

如聞笛海上驚潮欲到門有約時平歸隱好肯  
教松菊負田園

潘星齋少宰枉過小園走筆贈詩奉答

老年最戀是春光隔巷招邀賞海棠記與長公

聯廨住兩家僅爲送詩忙

令兄功甫舍人與余同居椿樹胡同三年

蓋一門  
二院也

畫法頻煩帝語咨江南文沈有餘師儻教奉

勅蓬池上恐涉山林不稱時

顧謁庭觀察出示留別詩並全州凱旋卷

卽題三首

粵西才子舊知名  
臨別新詩脫手成  
尋得桃源

便歸隱阿瑛早有入山情

顧仲瑛玉山草堂前軒曰桃源中之室

栗坪當日凱歌還  
再戰偏師豈等閒  
麾下而今

悼裨將那堪浩劫又湘山

詩鬢俄看白雪妍  
西湖話雨動經年  
爲吟竹嬾

消魂句只好低頭聽杜鵑

潘文恭公輓詩

江左台星一夜沉  
鯁生尤歎失知音  
文人遭際

無遺憾時事艱難不死心極品同稱生太傅魏  
科再宴舊瓊林九原可作思隨武逝水茫茫淚  
不禁

一世勛名百福全就中佳話萬人傳鶯花吳苑  
娛親日孔翠樞堂 賜壽年立雪同朝卿相滿  
登雲上第祖孫連卽看四典春官試令子還持  
玉尺便

觥觥大集古歐陽資治今推司馬光胸次史書  
渾作鏡寰中人物慣探囊詩無俗韻梅環閣文



有和聲鳳在岡老去更拋松菊念晚言自製已  
神傷

增寵麤官東海頭及門雙第句長留

河門下林何二生同

時及第公喜作詩郵寄山左

得燕許筆聲名起論紀羣交氣

誼投兜率宮歸神太素陀羅經悟佛前修從今  
聽罷鍾琴響愴絕高山萬古秋

張東海自書詩卷題後

鳳皇山下是公家鐵漢樓高古木遮今見石窗  
揮灑卷滿空風雨走龍蛇

釣竿高挂樹珊瑚海上狂瀾隻手扶論定千秋

詩卷裏韓長洲與陸當湖

公詩集慕廬稼書兩先生爲序其戒子詩

有權門要地是危機句人皆稱之

六月廿一日王笑山給諫英仰峯侍御招

同陶鳬鄉少宗伯朱雪颿光祿集二開雙

林寺有作

折柬雙林寺追涼四柱船一天含雨意三客到

鷗邊愴恍江南景平安海運年藕絲與菱角對

酒且陶然

亦有閒臺榭長煙老樹橫千艘催粟轉五閘驗  
湖平魚自跳波出驢還曳絳行當官塵不染風  
月大橋清

秋泛圖安在田朱倡和時風流應不墜繼起又  
何辭醺舫古歡洽山薑野趣宜人舟臨水次曷  
弗客居移

山薑有  
移居圖

甲寅秋七月八日奉 命偕花松岑司空

扃試漢謄錄於貢院和壁間王衷白先生

原韻

載銜 簡命沐 恩深前月蒙 派躡履星辰

鎖院臨銓部遴才充史局司空題品仰儒林自君

癸丑庚戌取士後屢派閱卷至是而七一碑有例新詩疊八夕同

聽禁漏沈回想風簷曾七度余七試春官 庚辰獲雋入闈

只抱玉壺心

耆介春相國見示唐搨郎官壁記卽和耶

春浦相國元韻書後

顛草臨池氣忽馴開元紀事筆如神豪芒鈎擲  
真堪壽窠曰掀翻大有人列宿爭藏三署祕濡

頭不染十洲塵褚虞卻步初桃望持比鴻堂古  
墨新

天門鳳闕勢難馴險絕須歸淡遠神匠氏無雙  
追琢手書家有數聖狂人寫經隸楷剛分體伐  
石荆藍已出塵好弄潭潭相公府莫教璫蠟炫  
時新

余以泖湖莼菜餉客陶鳧鄉宗伯賦詩激  
賞宋雪帆光祿復以詩見貽依原韻答謝  
倡酬不負兩詩筒一味爭傳疊韻工千里收來

菱角雨幾年夢到藕絲風江湖心事關鰕菜芋  
栗生涯厭韭葱惆悵松陵成梗阻煙波最憶陸  
龜蒙

輕衫如雪豁緇塵海子招邀載酒頻卷葉有書  
緘細弱蒹爲長女緘寄摘釵入饌鬪鮮新柳家曉月詞  
還賦吳下秋風話更親洗甲天河應不遠眼前  
多少未歸人

十月二十日 恩賜紫禁城騎馬恭紀

紫禁聯鑣豈等閒驚庸何幸列崇班八人寵

並康侯錫

謂翁二銘趙蓉舫尚書李夢韶杜繼園侍郎暨多統領倫都護景額駙

十月

恩同正朔頒玉墀嘶風清五夜金釵戴

日重三山從今翔步森嚴地下乘還應策老孱

卅載塵勞踏軟紅身經萬里快追風蘭山桂嶠

鞭絲外澄海巫閭

豹尾中

道光九年春苑鶯隨扈盛京

花行得得早朝星月莫忽忽平生三上尋詩慣

未要人傳倚馬工

乙卯立春後一日爲坡公生辰張海門太

史葉潤臣舍人招同人集王少鶴農部齋

懸閭中曾波臣畫笠屐象爲公壽肅拜禮

成分韻得快字

眉山笠屐波臣畫一瓣心香衆仙拜蘇齋年年

具袍笏舊社宣南暉佳話

自潭溪老人倡舉後覺生芥堂蘭雪蘭卿

諸公數舉是會余在都十數年皆與焉

由來文望韓富歐一氣千

秋通沆瀣翰林換酒脫金貂元祐鐵錢杖頭挂

曩在秦中得元祐鐵錢數枚當時以其質笨重是以不行

空堂六客三主人

坐有先生春世界方今赤壁掃賊氛江天風月

人稱快南飛鶴奏遼數聲白戰登壇識眞派長



賤走馬來迫促

鳬鄉宗伯詩先成

歲暮還應了詩債

陸稼堂中丞戴笠看山圖

蒼松骨相鶴丰姿不但人師兼地師  
露冕巡防三輔重星盤俯仰萬年基  
丹邱過眼雲山麗玉局隨身笠屐宜  
遜抗家風舊疆吏會看新命下龍墀

翠甫齋  
車車車  
集

畿輔輶軒集

華亭 張祥河 詩舫

乙卯正月二十日蒙

恩授順天學政恭紀二律卽和陶晁鄉少宗伯

見贈元韻

文柄重操際遇奇書生末學 九重知鑒衡有

忝銜 恩曰 宣召剛逢 奏捷時適得連中

禁人聯花下騎見翁與余先後蒙恩賜禁城騎馬好詩客盡掌

中后輶軒何幸隨君後畿輔觀風舊主持見翁於直

隸監司任內著錄  
輔詩傳久行於時

憑誰說法曼陀羅七十年逾髮半皤聞海曾看

雙第及

戊子典試聞中得林生鴻年何生冠英丙申同時及第

燕山知貯

五車多北來兵甲天河洗西望鶯花輦路和上

於三月三日啟

鑾謁陵易州此去生徒環馬帳先教授簡補

饒歌

過蘆溝卻寄顏朗如

岑對西山濁酒傾桑乾送別畫初成白沙紅廟  
斜陽外騁目郊原是此行

寄鳬鄉

纔問河間姪女錢  
冀州馳傳趙州連  
春風送暖清明節  
試事增忙大比年  
幾輩同朝聽曉漏  
何人白髮號詞仙  
海棠紅到花之寺  
定憶吳儂社酒邊

冀州

與客同尋河朔春  
濁漳九曲水鄰鄰  
袁家買從今何似  
上已桃花薄落津

堂水前頭噪暮雅  
野人爭喜雨隨車  
柳隄一色

迷濛裏始見新河幾樹花

贈楊少雲孝廉

碧山莫問老藤蘿山館芙蓉一再過差喜竹孫

傳筆妙可知蘭祖藝香多

孝廉爲蓉裳先生從孫

五松園

裏誰僑寓四柱船中舊聽歌

嘉慶甲子謁先生於金陵

惆悵

平生留憾句藕花無分種銀河

先生集詩牌句

程稚蘅出示所臨石田送菴菴出山畫卷

漫題

出山長卷贈匏菴摹筆縱橫沈啟南傳說閣臣

垂問切吳中無恙舊煙嵐

詩追蘇陸字追黃大葉蠟枝孰擅場尋丈遺縑  
原有數五羊城裏憶東莊

石田東莊圖  
歸廣州潘氏

趙州

鄘南兵燹後殘堞土爲門莽莽星岡蝕蕭蕭巷  
柳髭野姑泉莫問房子邑猶存特識蟠根李名  
場廣

主恩

文童李文蔚年八十一  
拔置南晉廣額數中

靜夜

塵勞思暫息不覺送斜曛院曲花藏葉天高月

脫雲方暉隨屋下異馥隔簾聞久坐生禪悅鄰  
鐘靜夜分

寄懷彭詠我大司空隨扈易州卽次其贈  
別元韻

金齏退食是公餘習靜遊塵盡掃除察典朝端

推首最捷書河上攝東漁竿雲篆學龍文鼎承惠

篆書喜雨詩隨 豹尾車話到石湖天鏡閣欲

將丰采照鄉閭

樂城道中



纔武祠荒草沒茵治河莫問趙臺春可憐土堡  
摧殘後猶見新衣滑髮人

臺城萬柳有餘青城外平沙漫水經聞說漳沱  
春未漲官橋十里昔陽亭

晉州

四達恒山路前旌下曲陽朝辭肥子國午憩贊  
公房貝葉紛堆几楊枝亂插牆門前漳水抱何  
地著宣防

深州懷古

南行漢帝閱艱辛終見王郎靖戰塵下博城西  
危渡口燎衣對竈更何人

少雲示疾詩以問之

慣坐深更笑口緘飄鐙珠箔一簫銜依人落月  
低妨幘著樹春風冷襲衫烏櫓安能蘇病渴黃  
芽漫擬贗詩饒期君豁達開襟抱萬里秋高破  
浪帆

示保定新生

白袍門外候雞鳴幾輩登龍志竟成 天爲畿

曷寬學額人須壯盛答 昇平文瀾舌本三花  
繁思路頭難一綫清度汝金鍼無別語 尙衣  
局在鳳凰城

柬桂燕山制軍

猩色屏風見折枝鎖闌隔雨最相思一城初面  
停車晚廿載知心讀畫時待詔南宗多活筆吳  
興北宋有餘師尺練迄未銜蟬寫裏得青鹽笑  
我癡

曩求畫獵  
迄未踐諾

中州屬吏忝同庚

余陳臬中州適公撫豫至傳  
是二十年年皆七十有一

命來教拜帖更

頃易舊屬帖爲侍生

從古下交多折節當

官舍舊轉無情畫中松竹須眉朗天上星辰步

履輕爲報風人申永好連朝分饋是和羹

履惠珍饌

答瞿經孳別駕卽和其韻

華山薄宦已經年手執蓮華來就銓作性情詩  
眞出衆得湖山趣總由天知章莫上追風馬廷  
裕方乘下水船留爾看花看蒲艾我歸定醉習  
池邊

自笑塵勞節暫停保陽涼雨過莎廳兵方洗甲

當關報鳥向催耕隔院聽小圃略開流水徑佳

章請上研光屏關心抱甕支離叟能否須眉照

舊青謂周灌園明府

書斌笠畊侍郎遺藁後

成佛西天望獨勞君卒於西平生魚水百篇豪

吟來南苑春山笑和到陪京白雪高和余南

苑詩五十韻又陪京詩不數尖叉能鬪險真

看珠玉在揮毫萬荷花裏雙華鬢追寫圖中白

紵袍即君以我兩人十刹海觀荷圖見示為倩畫工補君象於左

夜直頻年約煮茶

君夜直宿大樹菴與余直廬咫尺頻年劇談爲快

縱

橫萬里話天涯升沈宦跡春江月聚散朋情古

寺花團扇風悽香菡萏空堂雨黯舊袈裟

袈裟障雨

圖君在僧寮紀事也余題詩今又海棠時節矣君極賞之不堪拂拭羊脂盃

贈余玉盃一具過酒黃壚晚照斜

壽三妹玉舜七十

四月初八日生

阿妹纔稱七十觴龍華會上藝都梁少余一歲

身尤健與佛同生日正長援筆早傳香茗賦徙

家總住水雲鄉女相如有奇男氣林下風清鬢

未霜

垂髫嬉戲本隨肩同在園林畫裏天能博母歡  
梁廡下慣窺兄讀董帷前青鸞伴失懸空鏡白  
鴈程遙寄短箋我愧引年叨主眷禁城賜馬  
杏花驕

得鳬翁見懷詩有棘闌深鎖畫如年句復  
和二首兼柬花松岑尙書瑞芝生侍郎申  
十刹海看荷之約

棘闌深鎖正焚香傳到瑤牋盡一觴點筆餘閒

眞率會簪花舊夢少年場冷楓舞處吳天遠紅

豆拈時客晝長

君著紅豆樹館詞

爲語詞家應識得箇

中情意玉田張

玉田紅情緣意

僕僕征塵又渡河

指滹沱河

重三重五客中過瓦橋

關外防初撤析木津頭海不波文字肯拋鯨室

錦音書常聽鳳池珂風亭鰕菜新涼起便擬從

君問玉荷

爲少雲題畫兼柬晁卿少宗伯

誰家橫遂怨龜茲十二闌干倚遍時白菡萏花



詩氣息碧梧桐樹客風儀多情使筆情邊裏好  
事撥人事後思隔坐送鈎天樣遠飄鏗奈爾夜  
歸遲

詞家飽吸井華春况又吳中識曲真流水學來  
琴外語飛花鋪作舞時茵天生此亦流連物老  
去君真澹蕩人玉劍翠衣川上立漫嗤奉手楚  
莊辛

綺語年高轉不刪寄詩六逸共開顏夜簾纔別  
如眉月曉騎偏逢欲笑山客滯燕南還趙北春

歸天上又人間何當聽水吳船坐蘭杜瀟瀟暮  
雨灣

小紅南國有同情鄉夢如烟畫不成隔巷差差  
新燕影橫塘厖厖舊鶯聲難禁隄絮當筵散無  
賴江潮傍客生杜牧篇章崔護思一時傳唱闔  
閩城

輓雷竹泉比部

似錦年華似電過白雲亭外在高歌仙才安肯  
儕凡輩冷宦偏教死熱河纏體病因傷酒得背

時詩已感秋多山陽一夕悽橫笛不獨聞鵲喚  
奈何

相望衡宇憶京華分得垂楊春兩家狂客杯閒

同說鬼

謂汪大  
竹郎中

嚴城鏗盡尚看花十行草檄頭

風愈七頰郵書鬢雪加

熱河至京七頓  
猶言七站也

何事忽

忽騎鶴去但留爪印在天涯

### 李此山水部遺壘

太白樓頭古月斜穀皮皴法筆杈枒分明石上

松間意盡得風流自外家

此山爲黃松  
石先生外孫

寄聽松關中

玉鎖輪袍興漸闌  
秋高仙掌露光寒  
螭螭塞外招新鴈  
遲爾平沙馬上彈

蓮花池

四月八日桂燕山制府庚子偕方伯吳竹如廉訪克華廷太守丁以

堂明府招同小集

萬笏迎 鑾地蓮華稱意開  
園林猶 禁籞城

市忽蓬萊藤古蛇行壑  
池寬鶴上臺迴思張萬戶  
一代鑿渠才

木閣隨溪折琤琤玉有聲  
斷磯新漲沒圓鏡小

波生

奎畫軒薺蹟

奎畫樓在池左

箕霖主客情

時正望雨

臨漪亭一角拚坐到深更

扁擔口

貨郎有筆畫難成如擔長街此俗名草法百夫  
爭道勢詩情三月賣花聲野人可省筠籠負游  
客剛攜酒榼行堪歎千斤繩伎巧何時卸得一  
肩輕

河間

紅熟櫻桃麥老黃九河風色驛亭涼長城誰是

偏師敵瀛海難爲小劫荒去年獻縣被擾興漢以前無  
博士坑儒而後得賢王詩經村村名外毛萇宅直  
接春洲杜若香

關中寄題南樓

極望層霄起麗譙相連燕市更秦橋雲卿紀勝  
離居贈介甫臨歧醉袂飄解犢館荒春寂寂縈  
蒲臺近馬蕭蕭南樓無客成虛置撒棘還應一  
駐輶

陳雪梅明府送盆花

天中榴火照壺觴  
月季花能逐月芳  
入棘材官扶絳樹  
離家渴眼對紅妝  
一庭好趁蟾光列  
五夜方資露氣涼  
他日還珠盆底在  
不教異種缺河陽

試獻縣揭曉得新生紀鉅海等叔姪兄弟  
五人爲曉嵐先生裔孫喜而有作

讀書人作相四庫是功臣  
文望三清重孫枝五鳳  
新搜來瀛海秀閩遍草堂  
春指闕微我未荆

州識通家有夙因

燕山制府畫貓見贈賦謝

空堂何故來仙蝶  
瞥見狸奴從後躡  
粉壁方懸畫入神  
雙睛炯炯藏花葉  
乞公之畫十數年  
七旬點筆老愈妍  
不用熙筌舊人豪  
錦茵恰喚狻猊前  
尺練寫得春光麗  
暈石玲瓏在庭際  
石後攬身石上蹲  
雪衣怒作飛黃勢  
南園草長雜葵榴  
鎖院沉沉正午籌  
穿柳貫魚山谷語  
銜蟬鳴到一詩酬

硯水



瀾灑羊欣白練裙龍寶唾手策奇勲十行布作  
寢中雨一色烘成天際雲頑鈍磨人空半世英  
雄揮汝辟千軍韓潮蘇海才雖大下筆還留尺  
寸分

鑪火

九九依人日正長君真無性我相忘負暄世界  
黃絲襖送炭交情黑太陽客夜休催羊脚熟僧  
寮自得芋魁香折腰獅子傳官樣且借奇溫與  
索郎

帽花

韓君輕格出南方綴得奇珍似額黃瓊弁玉纓  
纔稱是竹巾昔情真銜將謝家胡蝶翻新樣鄭  
國櫻桃改便妝金帶圍看簪盍處何如四相滿  
頭芳

被絮

白於狐腋暖於氈誰擁黃綢熟曉眠富貴花穠  
堆越繡鴛央瓦冷續吳絲夢來游客垂楊陌吟  
到山家卧雪天堪笑知營歸自楚褚中空受賈

人憐

寄題程序伯翁畫山樓爲令子穉衡門人

君家家藏太白經令子攜出獻 闕廷傳鈔

閣下五翰林一時掃落機槍星子也銜 恩到

蓬館

穉衡進太白陰經 目交翰林五人 鈔寫 賞充膳錄官補 實錄館

君方

樓居曰華滿人指藏書孫抃家畫裏青山作老

伴煙霞氣息梅鶴姿長衡一派乃本師况又前

身山住持南屏吹墮鐘聲遲青簫菴中青簫笠

袈裟雨帶西湖濕夢回影事感浮生練水人文

亟搜輯君夢前身爲南屏青筇菴僧我昨東吳  
艤客船袖君畫扇江風偏神交今得通家誼懷  
想高情百尺邊

詩經邨

野外成縣蒹河間歎綠蕪教傳毛博士箋賴鄭  
司徒寂寂三家廢空空歎說郭中興談漢學誰  
守夜鐙孤

示河間各屬新進武生

西秦三度主鷹揚

撫陝數年己酉辛亥拜壽重  
壬子三主武闡鄉試

登閱武場奏捷師聞南下

詔

鴻官屯報捷有旨令勁兵南

下知方勇數北來強

拔勇均可觀頭號

初程爭

奪千夫長絕藝誰穿百步楊期爾他年恢將略  
千城莫負此平章

### 偶成

不耐咽咽鼓銅魚鎖院嚴憎蠅常挂拂招燕自  
開簾市酒浮蛆釀鄰歌阿鵲鹽追涼奇想出畫  
到雪山尖

山翁不成雨連朝如散絲風琴塵外友漏壁畫

中師兀坐同僧靜長吟趁日遲盆花隨意落忽  
見茁新枝

賓從形骸略炎天禮數寬接離常著倒對管輅  
更闌士少羅胸宿文須換骨丹青鐙書一味漫  
說解人難

萬悶一爲豁詩成氣更蘇放談空杜厦追悼有  
黃壚人物佳燕趙時光綠艾蒲欲求周昉筆添  
寫袞衣圖

寄許渙生總憲同年

盡義供養盡雲煙書本丹黃鄰架運八法鉤摹

成

國寶

咸豐通寶

祁相國

勅寫樣

一心汲引在寒

璫拙詩中禁誰知已晚歲通人慣問禪料得涼

堂盤礴處過從或有大常仙

太常仙蝶時過君家

追輓大姊

姊名杏字栽雲適莊石帆曾培官直隸磁州州判卒年七十七

歲

女嬰快及八旬人噩耗驚傳泐水濱畫荻神傷

因喪子倚雲樹老即歸真宜家自博姑嫜愛同

祖無殊手足親猶憶隔籬聽讀處抱來我是賈

達身

前塵京國與鄉關兒輩青紅數往還覓句香清

傳翠幄

詠藤花詩有翠幄香清蝶夢濃句爲時所稱

解圍論爽挹西

山隨將薄宦身彌健度到殘年意自閒遠別未經親煮粥撚鬚能不淚潛潛

喜雨

五月十二日

一雨農田透無須事桔槔壓城張海幔橫檻過江濤紅濕蒼年鳥青濡泮水袍明朝虔廟薦應

諺是磨刀

十三日諺稱關聖磨刀雨



寄潘木君中丞

五老添君成六逸

京師五老會皆八十七十春餘歲君年未至六十預焉

盤餞我醉蒲萄寬懷聞捷人同喜

君贈詩有喜聞捷報飛郵

騎漸覺寬懷入酒卮句

抵掌談兵氣最豪三策能權經事

熟一身是膽守城牢長沙軍士甘棠愛卿月當

空望轉勞

安仁還是好儀容邠老裁詩輒過從簪筆樞機

同僚直建牙嵩華舊鄰封

君撫豫余正撫陝

十年會合

邀

天眷百口遷移逼盜烽

君眷口凡五徙始入都下一唱

念家山入破白門那問六朝松

任邱道中

俄看村後落霞紅吹緊村前隔轍風一片停雲  
頭上黑輕輿飛過雨絲中

接翅歸鴉向暮城高粱彌望幹縱橫前宵一雨  
傾盆後十畝都爲裂帛聲

繞將積淖路三叉亦有鄉耆來奉茶指點涼陰  
秋信逼高槐黃到秀才家

行近津門

浥塵朝雨晚開天洗我雙眸雲水邊作畫久拋  
脂粉筆幾枝紅蓼泥人憐

不須唐笑笑無鹽漸見花枝出草簾怪底水鄉  
誇水色澤門暫換邑中黔

天津望海樓歌

雙眼塵中思一豁百尺登樓向遼闊洪波浩浩  
朝夕池島嶼浮空元氣活危闌兀望橫紫煙天  
外皆水水接天扶桑枝高挂珊瑚網析木一角幽  
州偏方丈蓬壺渺何許魏碣秦碑誰可語射雉

臺無帝劍弓卯兮城少童男女成山運道近之  
杲轉漕南來十萬舟寄碇潮生螭鵠集鳴籌聲  
滿鳳麟洲太平景象雲烘日海宇排雲百神出  
楊柳青邊走捷旗魚鹽市上看萍實我憶簪毫  
澄海樓玻璃丈六拜宸旒當年豹尾叨隨  
扈此日輶軒賦壯游中條山色環瑤席會踵南  
皮盛裙屐桓客巾斜欲墮風蘇髯袖大常攜石  
還朝不礙小勾留猶念瘡痍在獨流丁字沾前  
問漁者拾來海月贈人不

撈蝦

老瓦移盆酒不辭  
朱衣侯耐酒邊思  
好從斷港  
舉漁網亦見空潭  
下釣絲嶺表沙虹  
橫跨處吳  
中謝豹試啼時  
吾鄉入夏櫻珠綻  
正喜蝦姑額  
點脂

松江櫻珠蝦  
喜其脂滿也

捕蟹

任他郭索草泥藏  
曲餽彎環截野塘  
力縛安能  
容鼠竄生擒不復見  
鳴張一鎗柳口輕舟  
繫十  
輩漁腰矮篋裝  
遮莫全身具戈甲  
橫行堪笑本

無腸

丁字沾權歌

儂家生日在丁年丁字沾前丫髻偏夫婿排行  
媒氏說琵琶牢記第三絃

海上浮家樂有餘笑儂最愛舵樓居紅鸞好日  
成親早可可登盤比目魚

阿鵲歌殘撥六么送郎催課等鹽銷自從一去  
河西務約得歸期子午潮

白玉搔頭綴晚香新衣好趁櫓前涼郎情莫似

洋紗薄妾意真同福果長

福建長生果果粒較大惟天津有之

月子彎彎照鏡宜放船阿母問何之郎歸纔熨

蠶痕皺楊柳青邊去畫眉

西沽直沽一水經小姑招手峭帆亭看爾纖腰

倚雙漿晴天蝴蝶雨蜻蜓

五月十七日奉 旨自惠親王及出征文

武官員等在南海勤政殿賞飯

小臣

迭聽

志抃用補饒歌

拵渠檻送將星旋一朶紅雲捧 御筵南下精

强乘勝後東歸尾羽沐

恩先

謂僧王

殿前韶樂

中和奏海上

堯尊大酺天想見親藩成禮散

都人齊看紫輶鮮

聞雞

聞雞卽下讀書堂銀燭燒殘接曉光刪舊出新  
繁就簡折腰半餉爲花忙

一笑

日斜瞥見樹陰移頭欲冬烘腕欲疲乞書絹長

餘墨在

瑛蘭坡方伯以絹乞畫

送花盆小晚香宜

朱小厓明府送



花陽阿鬢采皆新沐古月眉痕尙入時一笑人

家愛團扇比儂詩是放翁詩

索余舊畫團扇刻本甚多

瑛蘭坡方伯招集望海樓出示東坡西樓

帖原搨本書後

望海樓看萬頃流更看墨妙到西樓幾行里巷  
臨歧語他日杭州想益州

岑茶竈墨對鑪熏髯也風流絕代聞最愛臨池  
蓄閒趣牙梳拜賜到朝雲

楊村餽

騷經何處問餒餒野店題餒與客嘗漫向詩中  
嘲夢得欲從花下笑貲郎春縣疊罷層層軟玉  
粉蒸來稜稜香儻入桓元書畫坐不同寒具厭  
當場

讀蘇詩漫書其後

身香說法到諸天著箇盤陀自在邊蕉葉三杯  
春似海桃花一飯客能仙常憑魄力追詩史欲  
拭鬚眉混少年至竟華嚴空色界黃州以後半  
逃禪

河西務

當暑天陰與客便涼  
颼吹上昇夫肩羣鷗出浴  
平沙立雙燕依人曲港穿鹽市何來飛雪將朔  
方爭看使風船幾年渴筆連朝洗畫到靡蕪欲  
盡邊

宿朝陽寺寺距武清縣三十里係順治二  
年茶庵故址乾隆五十六年拓而新之吾  
鄉吳白華稷堂兩先生先後任順天學政  
爲文勒石殿角余拭苔蘚得卒讀已閱六

十餘年矣

一宿因緣鳳集阿茶庵舊址拓藤蘿今朝辛遇  
鄉先輩殿角尋碑字未磨

吳中七子推吳質學士聲華冠玉堂一自放歸  
田里後更無人讀棣華章

張灣繞道書所見

教趁灣環勢林疏不礙輿雜糧多脫穎故轍半  
成渠杯琰春祈應釵裙膜拜初曾看燒利市挨  
戶送花豬

一聽輶轡響新涼  
傍客生蠅飛瓜市  
散蟬歇樹陰  
清黃繭蓬頭插  
青荷小掌擎無  
端書所見詩料  
本天成

亦有棲真者  
園蔬抱甕澆荒  
雞坐高樹細犬  
繫危橋倦矣穿  
山屐煩哉挂屋  
瓢風前如欲訴  
衣袂自飄蕭

柬徐梅橋同年

空庭苒藻影交橫  
風自徐徐月自明  
百八鐘聲應細聽  
教人領悟到三生

通州八里橋

扈駕前塵廿六年通州輦路小春天

道光九年十月

今朝騎得穿朝馬八里橋頭柳拂韉

謝肅裕亭少宗伯惠內局紗綢

貽將紈綺拜承筐絳色中單耀體光  
織染由來傳內局采章端合侍明堂  
散花突過千機杼摹本爭看八吉祥  
我自函關攜紫氣謝元何礙佩羅囊

旋都按試八旗示沈松菴許修來兩君

久別怡園望眼賒還京何啻客還家亟修高樹  
防遮月先掃長廊爲擺花宿雨尙留蝸篆壁晚  
風不聽鼓喧衙兩三朋舊來清話同試毘陵遠  
到茶

屏角新糊贈答詩一旬又屆入闌時已收桂子  
來三輔更看槐花到八旗我似打包趨佛會人  
還望海覓琴師潤州許與東陽沈相約披榛采  
玉芝

全小汀尙書索畫松枝橫幅因憶曩歲宿

西山戒壇登千佛閣飲活動松下忽忽已  
二十年舊游如夢遂潑墨爲之

筆妙陰厓雷雨封畢宏章偃末由從論詩千佛  
瑤壇上最憶西山活動松

順天試院錄科

仙壇擁帚力誰勝收拾飛花到上層吏退繞階  
惟有蝶秋涼集筆更無蠅逍遙何啻逢場戲閉  
置真同入定僧尙憶殘荷連夕雨西涯未及晝  
樓凭



天寧寺僧送桂花闌中

諸天雲外早飄香  
移得雙株到畫堂  
列坐同參黃面佛  
折枝好贈綠衣郎  
誰祈泡子臨場夢  
涼所夢在泡子  
河呂公祠似饋書生隔宿糧  
小朵攢攢花熠燿  
燦繁星昨夜拱文昌

宋小墅太守望岫倦飛卷

一麾滇南雄萬里  
緣何歸思秋風起  
當官有田待何時  
休誓不歸如江水  
子京瀟灑迥出塵  
西江詩派東湖春  
閒廳畫鶴老銓部  
繡服乘驄今

直臣僕喜論交一把臂僦屋比鄰尤快意出袖  
詩篇刻燭頻隔籬花信傳杯易一朝摻袂唱陽  
關遠指昆明汗漫閒定迓隼旗金齒驛或分虎  
節木容山君戀園中松與菊風月從來隨地福  
應知太守曠襟期恰稱此邦好花木回翔青鳥  
有前途嶺上雲多識故吾吾已宦游三十載逢  
人往往說莼鱸

和臯鄉少宗伯與文孔修大司農倡和元  
韻卽賀孔翁協揆之喜

何年海表靖羣氛白髮籌邊慣夕曛人在紗籠  
中禁望賢於夢卜舉朝聞謫公自此精神固山  
甫從來夙夜勤和氣一堂師若弟兼謂詠我尚  
書繼園侍郎  
衣冠都惹御鑪芬

詞垣前後輩分明如水臣心一樣清王賈早朝  
傳和什元劉會計爲蒼生眉間珠現文殊佛曾  
次星羅武庫兵看劍引杯緣底事昨歲奉題  
看劍圖沙隄尤望塞雲平

翁遂齋尙書藥洲訪石圖

南漢藥洲卽今廣東學署九曜石在焉舊  
有米南宮題詩碧海出蜃閣青空起夏雲  
瑰奇蹲怪石錯落動乾文翁覃溪學使徧  
索不得翁遂齎學使於榕根仙掌石側剔  
蘇出之具姓名年月戴醇士侍郎作圖余  
爲題句

咄哉神物不終閼錯落乾文半弓地誠心金石  
爲之開况遇後先翁學使覃谿初搜九曜奇未  
向藥洲讀米詩遂齎更喜仙掌石榕根剔蘇方

得之碧海青空妙詩思寶晉熙甯六年誌南漢  
池荒水一泓老榕爪握龍蛇字英光奕奕七百  
年凡事顯晦總有天摩挲一唱三擊節爲指迷  
者陳九仙仙掌石有陳九仙隸書我聞香山山水癖所至  
官齋聚卷石君與憑闌有孟光別石時夫太湖  
石外皆靈壁麻牋十萬希世珍此詩廿字如有  
神儼貽揭本到耘老飢時開看能飽人

門人盛保如招集天甯寺茶話卽贈其南  
行

開皇人代速無復石幢斜地喜平臺敞山嫌雜  
樹遮晚禽衝墜果晴蝶獵殘花客話南天遠如  
何不念家

良鄉

昨夕良鄉第一程今朝排馬趁朝晴前林扶得  
初陽上越顯西山積雪明

定興

市廛清絕一城偏落葉菴荒問島僊塞向寒風  
猶未烈弓弦聲裏夜彈縣

定州試院登樓有作

得此層樓眼界寬古屯兵處一憑闌中山自壯

英雄色舊使會聯主客歡

吉林德公保督斗敵學時倡和爲盛

塔高思宋會

宋僧會能

聞雞臺近話燕丹明朝雪浪

詩成後更拜荒祠蘇與韓

魏公

雪浪石次坡公韻

火中飛石千軍屯名與趙璧同稱尊蜀畫工摹  
盡水變宸章光被無霾昏當時公任中山守  
搜獲山骨枯榆村直披煩襟夢東海橫飛匹練

瞻吳門仇池晉卿不奪愛沈香楚客還招魂叨  
陪何幸滕大夫笠屐共伫蒼苔根太行西來句  
突兀跳珠蝕盡風濤痕承平公尙飭邊備弓箭  
社約昕朝論松醪偶醉北嶽下玉井愛此芙蓉  
盆嗟哉神物賴珍護韓陵可語今無存

十二月初六日雪

得寸畿南雪春前有勝無不嫌寒料峭肺病酒  
人蘇

訪衆春園手摩蘇公雪浪石漫題齋壁



廉臺藺墓付滄桑見此春園曲折廊我欲徧栽

多葉杏杏花時節一開堂

公於中山後園又得多葉杏

堯山莽莽走唐河雪浪於今井不波吳道畫天

神劉伯鬼尉猙猛合伴古盤陀

松醪難盡別時觴定武蘭亭古墨香一夕冰鮮

來海口玉梅花下食魴鯉

正定大銅佛歌

宋開寶四年造

我聞建章漢武朝露盤一掌擎丹霄彼哉金仙  
此金佛大光明在雲中招長身七丈罽一束頂

上鬢雲照蛾綠卅臂無存絳帶飄

相傳佛有四十二臂年久

剥落護雙趺牢踏恆山足當時鎔鑄誰良工肖

莊嚴象摩高穹想見蛟龍捧鑪帝裝炭直奪茫  
茫造化天無功巍然一殿三層閣兀立中央萬  
纓絡大千世界若俯視我佛低眉河與洛方今  
錢法首采銅滇南峒老山久空佛雖有情作喜  
捨恒河沙數何由充我來頂禮牛馬走願執壇  
前掃花帚今歲當同佛過年滹沱河上屠蘇酒  
噫吁嘻杭州大佛佛面皺邠州大佛佛半身何

如正定之佛具全體不遭兵燹長護蓮臺春我  
詩不如相如大人頌但覺飄飄裘帶已出瀛州  
塵

### 春朝

太行晴雪照三關豐歲先開大佛顏童子青衫  
歸騎早東郊金鼓打牛還拾來海月尊常滿錢松  
巖大令屢餽冰鮮畫到椒盤客不閒約程稚蘅蔡右臣畫歲朝圖遙  
想天閭人待漏月華門外進春山

### 咬春

相約今朝共咬春及時蒿韭簇盤新酒人不啻  
江湖集客饌居然陸海陳紅日早回并地暖東  
風一掃嶽州塵折花餽筍坡仙喜那厭彭門倡  
和頻

乞臯翁代作主人約京朝諸公春盤小集  
同輩朝端氣味親常山相憶寄書頻新年團拜  
沿成例小隊徵歌及早春千里遙飛河上盞六  
官舊接 佛前茵黃鸝不用敦三請五柳先生  
替速賓

畢雄伯楊傳香吳儒卿見示除夕聯句依

原韻爲答

除歲張賓筵借才皆柱史石鼎倡退之陽春和

延巳

馮延巳  
陽春集

暫羈鸞鳳仙終見魚龍起四塔佛

光瑩

正定城中  
有四塔

常山暮霞紫棘闌管鑰嚴虛室

吉祥止黃羊祀竈過爆竹封門始素交心屢傾

高談掌可抵雪浪翻墨香唐花粲紅蕊晏坐輒

喜團危樓不容徒酒饌慣真率主賓各迤邐惟

澄衡校心母任闕防弛儻踰唐教令仍事漢鞭

簪茲來試近畿曷以式多士實學勛槃槃頽風  
去靡靡相期腹有華休歎肉生髀名將好整暇  
美人妝旖旎置身月一輪窮目河千里客憑青  
玉案我擁黃紬被擊賞聽唾壺嘯歌在尺咫子  
衿放早歸童子試畢風檐盡短晷前朝雲物書  
明旦歲華紀瑞雪似有情大慰 皇心企

和吳儒卿蚤起看雪韻

一白遽廬人蟄穴白戰詩來不持鐵笑君耳聾  
目偏矐愛看萬樹梨花茁壓城如海翻銀濤升

屋何人掃瑤屑王恭披氈仄徑行少陵呼茗平  
臺噉口中欲嚼梅英香曾次頓消煙火結今朝  
真放四塔光大佛居中一樓凸田公正月笑嚇  
嚇會見畿南徧春雪

寄李雲生太守蜀中

一別不計年偏在萬里外聞君守夔州時事艱

難最翩然得擺脫試院羈高會

君監試內簾

望雲迎

大椿宣城阻秋靄

君迎養未遂

所喜多繡披隨處具

旌旆

家書只數行君書十數番愛我勝妻孥拳拳言  
不煩遠和紀恩篇騎馬在禁垣我聽宮樹  
鶯君聽峽江猿多謝萬里夢袖詩來師門君詩有今宵準作吟詩夢尋到師門問拙工之句

畢雄伯孝廉出示曩歲奉母避地江村詩  
書後

避兵家室問蒼茫蝸寄何緣得草堂杜老羌村  
尋古樹贊公土室就陽岡飢無宿火朝謀膳篋  
有雄文夜放光聞道婁江還定後崑陰婉變總



難忘

陳息帆刺史詩稿題後

筆似飛雲不可拏一編洗我眼  
麻茶塵竄揮脚皆奇地才子題襟  
自作家海外乘來風舶趨天西看到  
雪蓮花微聞衣鉢香蘇館謂吳蘭雪翁當日  
爭呼第七車